



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Ethicè.

[urn:nbn:de:hbz:466:1-68709](#)

Unde Gorgias Leontinus Sophista, jam annis gravis admodum, cum
egrotus somno altiore urgeretur, forte è familiaribus quidam accessit,
qui interrogaret, quomodo se haberet, respondit: *Iam somnus incipit suo
me fratri tradere.* Ut hinc colligas, multum dormire, esse multum mori.
Quare rectè Philosophus rogatus, quantum docti different ab indoctis,
reddidit: *quantum vivi à mortuis.* id quod superiore Num. indicavimus.
Soror Somni est *Letha*, quæ oblivionem significat: quia per somnum, qui
dimidium ætatis nostræ carpit, sicut bruta jacemus, omnium sensuum,
& animæ facultatum nobiliorum officio destituti, unde plurimarum rerum
ignorantia inducitur, apud illos præsertim, qui cum gliribus non tota mo-
dò hieme, sed etiam æstate dormiunt. Neque sine causa *Spes* inter foro-
res Somni censemur, quandoquidem sæpius instar somniorum evanescunt.

SYMBOLVM LXII.

Charybdis & Scylla, Monstra marina voracia.

Homerus Odyss. 14. Virgil. 3. Aeneid. Ovidius 7. Metam.

Ethicè.

1. Virtus inter duo extrema navigar. 2. Scopuli vitæ humanæ, Ira
& Libido. 3. Mala voluptas. 4. Charybdis & Scylla, Luxuria
& Gula. Item Prodigalitas. 5. Scylla Symbolum animæ cor-
pori conjunctæ. 6. E Charybdi in Scyllam, quid.

DE Scylla & Charybdi nec Historici satis consentiunt, nec Poëtæ.
Nos vulgatoria feligemus, ad mores potius formandos, quam ad
geographicas varietates discernendas intenti. Ad historiam quod
attinet.

Scylla & Charybdis, duo sunt loca in freto siculo, valde periculosa,
& naufragiis infamia; quorum alter Italix, alter adjacet Siciliæ. *Cha-*
rybdis gurges est vorticofus, juxta littus Tauromitanum, *Scyllæ* oppositus,
contrariis fluctuum occurribus in miram altitudinem assurgens, statisque
temporum vicibus obvia quæque absorbens, atque iterum evomens.
Scylla vero promontorium seu scopulus est juxta Rhegium, urbem Siciliæ,
& regione Charybdis, quæ naves ingenti vi in saxa scyllæ impellit, & al-

Lilas conquaſſat ac diſrumpit. Porro fretum ſiculum, quia ſcopulosum & angustum eſt, tanto feruet aſtu, ut fluctus inter ſe concurrentes, ſcopuloque illiſi, quendam quaſi latratum & ululatum referant; hinc fingitur Scylla *Canibus & Lupis* ſuccinata; *Mulier* autem, quia procul ſpectantibus, formae humanae ſimilitudinem prafert. Et quia ſub eo promontorio petra ſunt ingentes & complures, quae locos concavos & speluncas ha- bent interius, in quibus habitant feræ marinæ, eo quoque nomine dicitur à Poëtis habere canes, qui à lateribus, pectoréque promineant, & interi- mant navigantes: quoniam ex inferiore loco, ē concavitate ſaxorum ſci- licet, in qua latent, exeunt, ſequere ſuperius ex eius latere extollentes, exire ē pectore feræ illæ videntur. Ibi locorum, Ulyſſes naufragiō factō, ut Homerus tradit, ſocios amifit. Illic cūm præternavigantis Herculis boves undæ magnam partem mersiſſent, dictus eſt is interemalle Charyb- din, quia machinis quibusdam locum illum expurgavit, & navigabilem reddidit. Hæc de Historia.

Poëtarum fabulatio eſt iſta: Charybdis vetula fuit tam furax, quam vorax: quæ cūm Herculis boves aliquos ſuffurata fuifſet, ab illo proiecta eſt in fretum ſiculum, inque monſtrum marinum conversa, quæ adhuc re- tinet priſtinam rapiendi naturam. Nam illac tranſeunteſ naves ad ſe rapit, devoratque, ac revomit. Scylla verò ex formosa pueſla in turpe ac horridum maris monſtrum abiit. Ejus transformationis hæc refertur cauſa. 13. lib. Metam. Glaucus, Deus marinus, Scyllam *Phorcī*, itidem dei æquorei, filiam (quam Maro Eclog. 6. memoriā lapsus, aut homonymo deceptus; Niſi Megarensium Regis natam fuiffe putat) deperibat. Igitur adit *Circem*, celebrem veneficam, ut illius & herbarum ope vicifſim à Scylla amaretur. Circe illum dehortatur ab amoribus Scyllæ, & illos in ſe transferre ſtudet. Despiciit Glaucus: indignatur hæc preferriri ſibi aliam, herbas parat, locum maris venenii inficit, ubi Scylla lavare conſuſcebat. Venit hæc ex more, ad æquoris lavacrum; utque aquam contigit, videt ecce canes & lupos circa umbilicum naſci: quam deformitatem monſtrificam adeo exhorruit, ut ſeſe ſtatim in vicinum präcipitari fre- tum, & in ſaxum mutata ſit. Virgilius & Ovidius, præter Homerum, & alios Poëtas, depingunt hæc portenta. Prior quidem 3. Aeneid.

Dextrum Scylla latus, laevum implacata Charybdis
Obsidet: atque imo barathri ter gurgite vastos
Sorbet in abruptum fluctus, rurſusque sub auras
Erigit alternos, & ſidera verberat vnda.

At



At Scyllam cæcis cohabet spelunca latebris
Ora exortantem, & naves in faxa trahentem.
Prima hominis facies, & pulchro pectore Virgo
Pubes tenuis: postrema, immanni corpore pistrix,
Delphinum caudas utero commissa luporum.

Ubi Charybdin proponit, tanquam Furiam crudelem, hostiliter &
prædatoriè locum obsidentem, ad cœdem & rapinam nautarum, cuius
spoliarium sit ingens præcipitum, & immensa altissimaque vorago.
Scylla verò ex spelunca quadam exerit ora vasta, & inde rapinam exer-
cit, ad se naves trahendo. Est huic monstro facies humana, & quidem
Virginea pectore tenus; deinceps canibus & lupis cingitur: ultima pars
corporis desinit in pistriñ seu Delphinum. Unde Maro 10. Æneid.

Frons hominem præfert, in pistriñ definit alvus.

Et Horatius in Poëtica, ad Pisones:

----- turpiter atrum

Definit in pisces mulier formosa superne.

Ovidius 7. Metam. etiam canes adjungit.

Dicuntur montes, ratibusque inimica charybdis

Nunc sorbere fretum, nunc reddere, cinctaque sævis

Scylla rapax canibus, Siculô latrare profundo.

Ausonius:

Scylla triplex, commissa tribus, cane, virgine, pisce.

Ethica.

I. (a) Nunc ad expositionem moralem, quæ itidem à variis af-
fertur varia, nam præter solitum, in his monstris Ethicæ studium se pro-
dit. Chorum ducat Natalis Comes, qui Mytholog. lib. 8. c. 11. it.
loquitur de figmentis istis: Ego sanè virtutum, vitiorumque naturam
sub hac fabula contineri crediderim: quia cum inter duo pericula na-
viget is, qui ex alterâ parte Scyllam, ex alterâ Charybdin; ha-
beat; solus denique tutus & incolumis evadit, qui neutri horum peri-
cotorum magis adhæserit. Hoc quid aliud significat, quam quod scri-
bitur ab Aristotele in Ethicis, virtutem esse medium duorum extremorum,
quæ ambo sunt vitanda? ut autem vitia devitaremus extrema, his par-
tim feminineas formas, ut invitantibus ad se, tribuerunt: partim figuræ
immanissimarum ferarum, ut indicarent calamitates, & pericula iis su-

Z z 3

stinenda,

(a) Virtus inter duo extrema navigat.

stinenda, quos vitia ad se trahunt. Nam quid aliud est vita mortaliū, quām assidua inter varias molestias, & illegitimas voluptates navigatio? is autem unus, qui sancte pieque vixerit, & qui vitia utrobique existentia devitaverit, incolumis in patriam, quod beatarum est animarum post hanc vitam concilium, cui praeest Deus, pervenire poterit. Sed quoniam in errores aliquando collabi omnibus facile est, & plerisque contingit; si quis illis scopulis appropinquārit, continuo est inde totis viribus recedendum. Nemo est enim ex omnibus hominibus, qui non ab ipsa natura ad voluptates incitetur. Idcirco Poētarum omnium præstantissimus Homerus, multis amissis inde vix abnavigantem fecit Ulyssem: quia pauci sunt viri fortes in periculis; & multo pauciores prudentes, ubi semel voluptatum facti sunt captivi, nec ab illis postea explicare se facile possunt. Dicitur Scylla in hoc monstrum à cive conversa fuisse, cum mulier esset pulcherrima, quod omnes, qui declinant à ratione, rectōque vivendi instituto, brutorum animos induant. Quid enim Circe esse dicemus? an non titillationem naturæ ad voluptates incitantem? Cū vellent igitur demonstrare antiqui (ut summatim dicam) plenissimam esse difficultatum & periculorum vitam humanam, navigantes inter gravissimos scopulos simillimam: quæ si parvum sapienter gubernetur, voluptatibus affecti homines in maximas miserias incident: hæc de Scylla & Charybdī excogitārunt: quæ jucundissimis narrationibus, & fabulosis vestierunt: ut qui parvum salutis tue alioquin essent studiosi, saltem suavitate figmentorum ad audiendam vitæ rectè instituendæ rationem allicerentur. Hæc Mythologus.

II. (b) Altera explicatio est P. Cornelii à Iapide in cap. 5. Proverb. v. 5. *Pedes ejus (id est meretricis) descendunt in mortem, & ad inferos gressus illius penetrant.* Pro penetrant, Hebræi, sustentabunt, fulcent, fovebunt, roborabunt infernum: sicut paries sustentatur fulcro, ne cadat & pereat. Simili enim modo libido sustentat infernum, quia major pars hominum dominatur propter impuram voluptatem. Hoc veteres repræsentarunt per *Seyllam & Charybdin*, quas finxerunt feminas in fretum Siculum præcipitatas, in scopolum & voragine fuisse conversas; inter quas cum navigant nautæ, aquarum arctarum vorticibus abrepti, vel ad scopolum colliduntur, vel à voragine cum mercibus sorbentur. Unde Scylla dicta est à συλληψε, id est confusio, vel ut alii, à συλλαγή, id est, à spoliando; aut à συντριβῃ id est vexando. Charybdis verò à χάσμα, hoc est, ab hiando, & οἰσθω, sorbeo. Per Scyllam ergo

(b) *Scopuli Vita humana. Ira & Libido.*

ergo & charybdim repræsentarunt duos maximè periculosos humanæ vi-
tæ scopulos, in quos major pars hominum impingit, & colliditur, sci-
licet *Iram* & *Libidinem*. Ira enim hominem facit amentem, in furo-
rem agit, & in rixas, cædes, & ignes protrudit. Libido vero est quod-
dam animi delirium, quod hominis opes, nobilitatem, famam, sani-
tatem, vitam, animam, æternitatem haurit & absorbet. Facit enim a-
mor, ut turpia videantur honesta: ac deformia, pulchra: damnsa,
utilia: tristia, læta: funesta, augusta stulte amanti appareant, ut ob vi-
lem delectationem famam & vitam prodigat & præcipitet. Ita Fulgen-
tius lib. 2. Mythol. & ex eo Cornelius.

III. (c) Præterea per hæc duo monstra intelligitur mala *voluptas*,
quæ, quod etiam in Harpyis, Sireibus, Sphinge, notamus, *virginis*
ora præfert, hoc est, blandè allicit, suaviter trahit, insidiosè implicat.
Sed quid? in medio succincta canibus, in imo desinit in pisces. Ut in-
telligas, in quas feras incidas, dum libidini cedis. Nam *Canes*, quid
aliud sunt, quam oblatrantis conscientiæ tumultus & tormenta? quid
pistris, aut delphini cauda, quam summae lubricitatis symbolum? Quid
enim fugacius & lubricius voluptate impura? In adagiis est: *Delphi-*
num canda ligas; vel *anguillam caudâ tenes*. Sed non retines, quid-
quid agas: compressis etiam elabetur manibus: Poëta canit.

Gaudia non remanent, sed fugitiva volant.

Hæc utraque manu, complexuque assere toto:

Illa fluunt imo sic quoque lapsa sinu. *Martialis* lib. 1. Et notandum,
quod ex Horatio attulimus, *Scyllam* mulieri formosæ similē, in turpis mon-
strieri caudam desinere; sunt enim voluptatis pravæ initia blandissima, fœdus
& luctuosus exitus. De hac allegoria *Scyllæ* & *Charybdis* disertè S. Hieron.
epistol. ad Heliodor. Hoc ego non integra rate & mercibus, nec qua-
si ignarus fluctuum præmoneo; sed quasi nuper naufragio ejectus in lit-
tus, doctus nauta, timida navigaturis voce denuntio: in illo æstu cha-
rybdis luxuriæ salutem vorat. Ibi ore virgineo ad pudicitiæ naufragia
Scylla, ceu renidens libido blanditur. Hic diabolus pirata cum sociis
portat vincula, capiendis. Nolite credere, nolite esse securi: licet in
modum stagni æquor arrideat, licet vix summa jacentis elementi terga
crispentur; magnos hic campus montes habet, intus inclusum est peri-
culum, intus est hostis.

IV. (d) Tertia est P. Francisci Pompeii in Pantheo Mythico.

Charybdis,

(c) *Scylla* & *Charybdis*, illa *voluptas*. (d) *Charybdis* & *Scylla*, *Luxuria* & *Gula*.

Charybdis. & Scylla, vitia sunt duo immixta, hujus vitæ fretum exitiale, infestumque redditia præternavigantibus; hinc *Luxuria*, illinc *Gula*. Illa Scyllæ instar, nautas incautos, fallaci formæ lenocinio pertrahit, complexosque, plus quam canina rabie, furorèque lupino angit, torquet, discruciat, perdit. Hæc, ceu Charybdis altera, & nunquam exsatiata vorago & gürges, dilapidat rem domesticam, patrimonia deglutit, exhaustit latifundia, thesauros devorat, absorbet omnia. Confinia sunt, & ex adverso sita hæc vitia duo, quemadmodum Charybdis & Scylla; imò non ex adverso, sed quasi facto fœdere, nunquam non conjuncta grislantur. Nec enim facile reperias hominem, gulæ insig-
nitum infamiā, qui non idem sit oblitus fœdissimarum voluptatum coeno, addictusque turpissimis ac flagitiosissimis libidinibus. Hæc iste.

(e) Mythologus: crediderunt, inquit, alii, hanc fabulam ad moderationem sumptuum spectare; quippe cum incauti in fœnus incident, tanquam in Scyllæum fretum, unde omnia facultatum uno tempore postea fit jactura. Hoc ego confirmo Tullii verbis, qui in oratione de haruspicio responsis. Quam denique tam immanem Charybdin poëtæ fingendo exprimere potuerunt, quæ tantos exhaustire gurgites posset, quantas ille Byzantiorum, Brogitanorumque prædas exsorbuit? Idem Philippic. 2. in Anton. Quæ Charybdis tam vorax: Charybdin dico? quæ si fuit, fuit animal unum. Oceanus medius fidius vix videtur tot res, tam dissipatas, tam distantibus in locis positas, tam citè absorbere potuisse. Horatius verò per Charybdin intelligit libidinem lib. 1. Od. 27.

Quanta laboras in Charybdi!

Digne puer meliore flamma.

Quid enim sævius & rapacius, quam fœda voluptas, quæ gurgitis instar rotat & circumagit animum in Veneris Concha navigantem; donec demergat, & absorbeat infelicitatis abysso sepultum?

V. (f) Quarta est Cœlii Rhodigini lib. 18. c. 3. de Scylla, his verbis. Prima hominis pars, rationalis anima, huic committitur inutilis caro, & fluida, & receptandis tantum cibis habilis, ut ait Posidonius. Virtus illa divina in lubricum desinit, & superioribus partibus venerandis atque cœlestibus, animal iners, & marcidum attexitur: quodque horribilis est, captivam dicit rationem. Plurimis corpus voluptati est, anima oneri: quamvis illud natura, ut quandam vestem ac velamentum circumdederit animo. Ex hac voluptaria officina, mirum est, quanta se promant fœditatum agmina, quæ libidinum turpitudo.

V. (g)

(e) Prodigalites. (f) Scylla significat corpus & animam.



V. (g) Denique libet h̄c addere tritum adagium: *Evitata charybdi in Scyllam incidi. Id versu exprimitur.*

Incidit in Scyllam, qui vult vitare charybdin. Quō bifariam uti licebit: vel cūm admonebimus, si quando in eas rerum angustias devenit fuerit, ut citra dispendium discedi non queat, ē duobus malis, id, quod est Ievius, eligamus: vel cūm ostendemus negotium anceps & periculorum, in quo summa moderatione sit opus, ut in neutram partem peccetur. Non raro nocuit, nimium vela permisisse ventis; tumor ipse & inflatio navium allisit in scopulos, & fregit. Securius aliquando, eti lentiū utimur remis. Velocior cursus festinat ad pericula. Multos perdidit fortuna secundior, qui rebus adversis tutō jactabantur; Servati sunt in calamitatum charybdi; Scyllam repererunt in felicitate. Tanti refert inter Charybdin & Scyllam navigant, velis præcipitet navim, an torqueat remis. Ancipiūt qui malo premitur, minus eligit. Et sāpē discrimen unum alio pertumpendum est.

(g). E Charybdi in Scyllam.

SYMBOLVM LXIII.

Iphigenia, Regis Agamemnonis Filia, ad aram
viōima.

12. Metam. Homeris lib. 2. Iliad.

Ethicē.

1. Dæmonis crudelia sacrificia.
2. Innocens pro nocente plectitur.
3. Charitas patriæ.
4. Auxilium Dei subitum.

COnjurati in Phrygiæ perniciem Græci Principes, cum navibus mil-
le centum octoginta sex, ut Homerus refert: ut verò Dictys Cre-
tentis cum mille ducentis nonaginta quinque: seu ut Dares Phry-
gius habet, mille centum quadraginta navium classe, reliquoque belli
apparatu in Aulide, Bœotia portu, convenerant, ut inde pariter ad
everendum regnum Trojanum, ulturi injurias à Paride, Helenam, Me-
nelai regis, uxorem perfidè rapiente, illatas, navigarent. Antequam
solverent, cūm Jovi sacrificare vellent, ecce serpens platanum, aræ im-

A a a minen-